

## STATUTS

della societad de tratga de s. pors facultativa  
Sedrun-Gonda-Bugnei

---

### I. Num, domicil e cuoz.

#### Art. 1.

Ils suttascrerts possessurs de s.p. s'uneschan tier ina societad de cuoz nundeterminau che semunna: Societad tratga de s.p., facultativa, Sedrun-Gonda-Bugnei.

#### Art. 2.

Domicil della societad ei Sedrun.

#### Art. 3.

Commember della societad sa mintga possessur de s.p. daventar dils suralumnai vischinadis, il qual declara entras suttascriver las statutas de vuler esser commember della societad e respectar las ordinaziuns de quella e pagar ina taxa fundamentala de frs. 10.--

### II. Ils commembers

#### Art. 4.

Il dretg de commember sa vegnir annullaus:

- a) sin la fin digl onn entras ina declaronza en secret alla suprazonza de vuler sortir della societad. Quella declaronza sto vegnir fatga sil pli tard dus meins avon ch'igl onn de quen mondi alla fin, sch'el ha ina sufficienta raschun (senza taxa d'extrada), cun negina raschun ina taxa de frs. 20.--
- b) entras la mort sa il dretg de commember ir vi sin ils artavels direct (a sin ina persuna).
- c) Commembers che cunterfan als interess della societad ni adempeschan buca lur obligaziun enviars quella san vegnir castigai ni exlaus. Castitgs da frs. 20.-- entochen frs. 50.--
- d) Il dretg de commember sa buca vegnir vendius.
- e) Commembers che bancunan la societad, ni lur artavels han negin dretg sin la facultad della societad. Els ein denton obligai de surprendre la quota dil deficit, che tucca ad els tenor temps, ch'els ein stai commembers sche quei vegn repartiu sin tuts commembers.
- f) Per evitar malemperneivladads astga il deivet total buca survargar la summa de frs. 1'000.--

### III. Dretgs ed obligaziuns dils commembers

#### Art. 5.

Ils commembers han il dretg e l'obligaziun de prender part dellas radunonzas della societad. Scadin commember ha mo ina vusch. La radunonza generala (renda-quen) ei obligatorica. Absenzas nunperstgisadas vegnan punidas cun frs. 1.--. Tuts commembers ein obligai de manar tut lur liufas tier il s.p. mschel de nosssa societad. Cun consentiment della suprazonza sa el era manar t ier in auter s.p. maschel, denton sto la taxa vegnir pagada a nosssa societad, sco autras liufas. Dess ei inaga ni l'autra il cass, ch'il s.p.

- 2 -

maschel della societad füss buca habels de survetsch ni nalsauns, sch'eis ei lubiu de manar t in auter s.p.maschel, mo la taxa sto vegnir pagada a nossa societad. Mo avon che agir en tals cass ein ins obligaus de schar saver la suprastonza, quei vala era per liufas ch'ei parentadas, iuttas liufas che han fetg diever dil s. piertg masche, ein obligadas de pagar las taxas stipuladas.

#### IV. Finanziaziun

##### Art. 6.

Il necessari d'aver vegn recaltgaus sco suonda:

- a) dalla taxa d'intrada
- b) dalla taxa tenor cudischaziun per ils s.p., che vegnan menai.
- c) dals s.p. che vegnan vendi.
- d) absenzas radunonza generala
- e) da event. tscheins.

Questas taxas han ded ir expressivamein en cassa della societad.

##### Art. 7.

Il quen annual ei de srrar la fin digl onn ed esser pronts per la revisiun de quen.

#### Organs della societad

##### Art. 8.

1. La radunonza de commembers
2. La suprastonza: president, actuar e cassier. Actuar ei vicepresidente.
3. La commissiun d'experts.
4. Ils revisurs de quen.
5. Tuts funzionaris ein obligai de far lur uffeci gratuit, priu ora il cassier cun ina indemnizaziun de frs. 30.-- annual.
6. La suprastonza ha la competenza de diponer independentamein d'in credit de 100.-- frs.

#### La suprastonza

ha de procurar:

- a) La convocaziun della radunonza dils commembers ed il studi della fatschentas avon che presentar quellas als commembers.
- b) igl exequir las ordinaziuns statutaricas ed ils conclus della radunonzas de commembers.
- c) il representar la societad visavi tierzas personas.
- d) la survigilonza de menar il cudisch de nuegl (dil s.p.maschel) sco era de dar vi de pover tal, cun ils experts.

Il president ni vicepresidente e cassier segnan valeivlamein per la societad. Il cassier administrescha la facultad della societad, meina ila cudischa de quen e fa mintgamai la bilanza alla fin d'igl onn current.

##### Art. 9.

La radunonza de commembers ei il suprem organ della societad. Ella veg convocada regularme in el decuors dil meins schaner. La suprastonza sa era clamar en da tut temps la radunonza de commembers, sch'igl ei necessari. Las radunonzas ston vegnir avisadas silmeins 5 dis avon sin tabla de publicaziun, sco era far encomuschent las tractandas. La radunonza ei competent de concluder enzatgei, sche la mesad dils commembers ein presents. Las votaziuns vegnan decididas d'igl absolut pli. Las elecziuns vegnan fatgas cun man liber.

- 3 -

Art. 10.

Las tractandas della radunonza generala ein:  
Prelecziun ed aprobaziun dil protocol anteriur  
rendita de quen,  
elecziun della suprastonza, dils revisurs de quen ed experts. Elegibels  
ein mo commembers della societad. Scadin commember ei obligaus  
d'acceptar ina nomina d'uffeci: president 3 onns, ils auters func-  
zionaris 2 onns. En cass ch'el refusescha, sto el pagar frs. 10.--.  
Cun 60 onns ei in dispensaus d'uffecis.  
Deliberaziun de tuttas fatschentas della societad che pertuccan lur  
interess da tgei natira ch'ellas ein.

Determinaziun de tratga

Art. 11.

Il s.p. maschel vegn surdaus de pover ad in commember della so-  
cietad encunter bonificaziun. Quel che pervesa il s. p. ei responsa-  
bels ch'el vegni pervesius e tractaus endretg. El ei era obligaus  
de menar exact il cudisch de nuegl. La suprastonza ed experts han da  
tut temps il dretg de controllar ch'ei vegni pervesiu endretg il  
tier. Il tener s.p. vern indemnissau il davos digl onn de quen.

Art. 12.

La societad de tratga de s. p. lai era manar tier siu s.p. liufas de  
possessurs ch'ei buca commembers per ina taxa de frs 3.-- (Surrein  
e Cavorgia) sur quei ch'ils commembers sez pagan. Denton en la  
radunonza de commembers taxar buca-commemoers (vischins el raion)  
che vulan buca daventar commembers della societad sco ei cunvegn ad  
ella.

Commissiun d'experts

Art. 13.

Ella secompona dec 1 commember ed in substitut, procura sin fundament  
dils conclus della radunonza la cumpra dils p. maschel. La vendita dil  
s.p. vegn fatga cun la suprastonza. Tier la cumpra dil s.p. maschel  
dueien ils commemoers decider sur de colur (alv ni gagl) e veglia-  
detgna.

Revisurs de quen.

Art. 14.

La radunonza de commembers elegia dus revisurs de quen, sco era dus  
suppleants. Ils revisurs revedan la cassa ed ils quens ed examine-  
schan l'entira facultad. Il resultat communichechan els tier la  
rendaziun de quen.

Midadas de statutas e sliigiaziun della societad.

Art. 15.

Per saver midar las statutas dov'ei 2/3 dils presents e silmeins  
la mesadad de tut ils commembers.

Art. 16.

Per sliigar la societad sto ei esser 2/3 de tut ils commembers. Per  
per cass che la societad sesliigas, dueigi ella sezza saver dispo-  
ner sur de deivet e facultad.

Il present uorden va en vâgur:

Sedrun, ils

Igl actuar:

*Seluid Heinrich*

Il president:

*Adorn Flepp Guisep.*